

543

8592

1-2





原件短缺

PI上半页缺



第八齣

折齒

第九齣

却說

第十齣

應聘

第十一齣

謀竄

第十二齣

忠告

第十三齣

閨叙

第十四齣

出關

第十五齣

陰伏

第十六齣

赴宴

上終

投梭記

第一齣 末上

珽輪第七珽輪先生貌已焦何事復嗷嗷自從世

弃屏居海畔煞也無聊况妻身號冷子腹啼楞不

將三寸管何處覓逍遙○筭來日月只有酒堪澆

一醉樂陶陶自歌自舞自斟自酌暮暮朝朝但清

風無偶明月難邀聊將離索意說向古人豪問荅

滿庭芳江左風流謝郎稱最居平醉日恒多東隣照常



有女一見締絲蘿奈可虔婆作梗輕貧士取鬧投
梭生惡計巧乘折齒逼泛豫章艇○王敦方犯關
錢鳳繼起滿地干戈痛周戴尚書罵賊遭磨幸有
伊尼助陣戰采石重整山河縹風氏死中得活重
會秣陵阿

謝幼輿折齒寧土苴 元縹風守節几菹鮓
兩尚書駢戮得褒封 鹿大王助陣堪驚詫

第二齣

生冠服扮謝鯤上

破齊陣鷓鴣清班謝却林泉雅致堪娛冠掛東門

吟成梁父到處詩朋酒侶鼙鼓中原多俶擾藜杖
西山且挾書蹉跎光景徂清平樂中原鼎沸帶甲

滿天地解組歸來聊自避寂寂柴門長閉○閑
來何事徜徉筆牀酒盞茶鐺試問東華熱喫何
如北牖清涼下官姓謝名鯤字幼輿陳國陽夏
人也父親仕至國子監祭酒家于秣陵之落星
橋下官賦性落拓不修威儀向爲東海王府叅
軍因見他作事乖張遂謝病歸自家居以來日
惟飲酒讀易不與外事但飲量頗弘又不善生

產薄田陋室盡作酒資以此家業蕭然難以度
日荆妻王氏乃豫章王車騎之女不但瑤編彤
管追班氏之芳蹤且喜裙布釵荆守孟光之雅
操岳父見我家貧時常看濟這幾時不見來想
因道路遙遠兵戈阻澁以此聞問久不相通連
日家中空乏不知早膳已炊得否夫人那里

前腔

旦上

搽作自甘朝暮服勞豈憚勤劬狼狽生

涯蟪蛄門戶謾說樂饑邁軸自分蓬蒿甘淡薄寧
向花枝鬪麗姝雲鬟羞整梳

見介生

夫人我致政

歸來樂有餘閒居不飲待何如

旦

相公學成文

武須當貨何故棲遲泌水隅相公我看你志氣
騰驤人才超乘筆下三千牘學究天人胸中十
萬兵機叅造化當此龍爭虎鬪之日正汝鳳翥
鸞翔之時何乃爲飲酒自廢之鄭洎竟不學乘
時赴會之蕭曹况三殮不繼半菽嘗虧日高未
炊何日是了

生介

夫人卑人豈無當世之志但

須待時而動當今晉室不綱五胡雲擾東海王
越井蛙窺鼠耳成得甚事是以不欲爲其叅軍

甲人正恐終不能免耳夫人乃欲褰裳就之乎
目前窮苦何足介意古人三旬九食貧豈獨我
玉芙蓉我遺榮忽若無歸杖真知足向波濤乞得
泉石閑軀飢來菘菜和雲煮興到村醪帶月沽無
憂慮但捫蝨自語任京塵眯眼怎到草茅廬
前腔旦你饑寒迫向隅牢落悲難遇拙謀生絕似
玄晏相如荆扉盡日無人扣涸轍何時得水甦雲
衢路似康莊須驚勸君家早奮莫待哭窮途生夫
人說話良久腹中甚飢不知可有早膳旦厨中

乏米尚未得炊生我已罷官這袍服要他何用
你就與我脫去央隣家小二換了幾貫錢買此
米多沽些酒來消遣旦脫衣應曉得胸中徒有
千金賦囊裏慚無一貫錢下生吊場

新荷葉

外上

唱罷銅鞮日欲晡花前醉樽前起舞

小生上

春山無伴訪潛夫丁丁伐木聲相赴外下

官周顛字伯仁官拜尚書小生下官戴淵字若

思官拜尚書僕射伯仁兄此間已是謝幼輿家
門首與你逕入生迎接外小生江左衣冠愛

惜春時時豪飲任天真生笑介知君此興應非

淺笑我藜藿終難作主人伯仁若思二兄何以

忽蒙枉顧外小生我輩在新亭飲酒不得足下

無以為歡故此相造小生并携得青蚨半千幼

與可去沽些酒來以完我兩人未闌之興生小

弟正因悶坐無聊厨中告匱已把小弟所穿袍

服倩隣家小厮換酒去了二兄少待向內問介

夫人沽得酒到就煖來我輩同飲內應介外小

弟一來造飲二來也要勸幼輿出仕若是你把

袍服都廢難道絕意仕宦了所謂幼輿不出其

如蒼生何小生豈但蒼生其如數口何生嘆介

錦纏道自笑我計迂疎似仲蔚蓬蒿滿居蕪穢積

庭除外小生弟輩聞得幼輿也貧得緊了不知何

以度日生但饑來採盡山蕨溪魚外小生難道便

足了你一生麼生我用不了青山下雲犁月鋤一

任他紅塵中伯畧王謀笑傲觀沉浮管什麼爭龍

鬪虎外小生可不埋沒了英雄生本是乾坤一腐

儒豈堪與人間張主自合掩蓬門蝶夢任蘧蘧

朱奴插芙蓉

旦携壺上

雪花釀流霞滿壺烹葵韭

香浮朝露

生

想是有酒了待小弟去取來

出介夫

人可是有酒了旦自媿匆匆缺雞黍

生

不妨都是

相知的儒家味從來儉素夫人請進罷

旦下生持

酒見介

二兄這是首藟具恐不堪下箸似這般貧

儒作供直得一胡盧

飲介外小生

幼與弟輩自過

江來還不曾有一日醒哩

傾杯序

這是醍醐澆塊磊送居諸誰解得杯中趣

生

斷送了幾場蝸戰幾遍蜂衙幾處蛙鳴幾許龍

圖

合

似這般兵戈蔓衍中原瓜剖天地秦蕪豈容

人睜開醒眼看飛鳥

外小生

請問幼與當今豪傑

是誰

生嘆不答小生

王敦却也豪爽

生笑介

王

處仲蜂目豺膺此人得志飛而食人不意二兄

人倫之鑿一昏至此

外小生

未便如幼與之言

請問幼與何以遂堅丘壑之志

小桃紅

生

我豈甘落魄山之曲閒浪蕩溪之澳笑

悠悠若個能刮目紛紛何地堪投足沐猴虓虎干

碌碌只落得坐觀傀儡悲哭我輩今日飲酒快甚

如何說起朝家事來二兄應罰大觥

外小生笑

介應罰應罰 飲介

福馬郎對酒何當談世務且進盃中物休自誤花
開謝只須更天地一丘墟便宜事醉糲糊

尾聲由來酒是人間祿且濡首旁觀榮共辱莫問

劉興與項感

外小生

弟輩醉矣姑且別去改日再

來

酌酒與君君自寬 山川龍戰血漫漫

乍逢酒客清遊慣 談笑功成恥據鞍

第三齣 小丑扮元鴛子上

光光乍老去病來纏花謝豈重妍曾擅平康鉛華

選怪的是小孫兒忒寒賤

昭君怨春到驚翻綉幌

陌上柳條新放花月傍樓臺鏡奩開悶把闌干

倚羞見鴛鴦雙起休說舊風流皺眉頭老身李

氏原是教坊中角妓此間落星橋有個財主姓

元名緒因到我家來鬪得意了遂娶了老身到

得他家不上十年家道消折老兒也就死了他

前妻掉下一個女兒喚名縹風年方二八生得

千嬌百媚從小教他吹彈歌舞頂真續麻風流
調笑諸事皆精老身無以糊口只得仍做教坊
中勾當屢屢教他接客只是不從今日不免再
喚他出來勸誨一番縹風兒那里 占上

似娘兒顧影自悲憐嚴親喪家道顛連青銅怯照

芙蓉面朝雲嬾赴春陽怕踏懊惱慵填

見介 母親

萬福

丑

菩薩蠻

孩兒你不見春燕掩映鞦韆裡

春波搖動鴛鴦起多少俏王孫金鞭裊翠裙 占

母親我綉窗閒自坐那管春光過任他紅紫飛

春愁不到眉

丑

我兒你在房中做甚頭也梳得

不整齊花兒也不帶朶

占

孩兒在房中綉花梳

甚麼好頭

丑

我這樣人家綉甚麼花你接了个

富貴郎君怕沒得穿沒得帶到自去做生活依

着做娘的還梳个好角兒穿套好衫子搽些脂

粉人來也好看

占

母親這是甚麼說話父親在

日也是秣陵有名目的人骨肉未寒何忍爲此

勾當倚門獻笑再也休題

丑

我兒那裡是你娘

要你做這勾當自從你父親亡後家中十分艱

打木言
窘開門七事那一件不在做娘的身上你若不肯接人教我如何度日况你這般容貌這般年紀就不說與我掙錢你自己青春也不可蹉過
占
母親聽稟

月上五更綉榻閒凭遍春光任流轉丑你雖不肯

接客我今開着門戶在此只怕那些子弟們也饒你不得哩占何處閒蜂蝶敢逐桃花片丑外邊這

般好景不要子也是癡占一任南陌東城遊絲趁風軟丑日日坐在房中難道不悶人占我金針絛罷

重添線那管他樹底流鶯簷前飛燕丑兒那間房

子有甚好處占有秦川錦玉女梭并州剪閨中此

景堪留戀丑難道住了你一世占縱便是歲歲年

年亦何愁何怨

蠻江令丑我這冷落閒庭院貧窮怎消遣我與你

兩口朝夕裏七件將何辦你不見南瓦北瓦整日笑喧闐偏我把門兒閉匾兒面何曾見

月照山占生小多婉變風月閒情淺那賣笑喬衣

飯未語先羞靦煙月招牌明明攝魂券丑我兒你

不要說盡了做小娘不好接了有錢的子弟們要
吃有珍羞百味要穿有錦綉千箱 占搖頭介 娘羞

荅荅虧你說這話何須揀食穿衣絹便是腹餒身
寒也勝是勾鬪里串母親既是家裏艱難隨分女
工針指機梭織紡孩兒件件都會情願朝夕無懈
奉事母親你休心偏嚙他人喉下涎還則望週全
結孩兒指下緣 丑背介 縹風執性如此一時未便

勸得他轉也且不要難爲他他說願做女工我
就將計就計要他織錦待織不出時打他有名

機兒不許他擺在房裏要擺在當門等這些過
往子弟日日刮他少不得刮上了 對占介 孩兒
若肯生理我又何愁我思想起來只有織錦好
生理又怕辛苦難爲你

涼草蟲繅成天女絲分來園客蠶無昏曉須勤勉
只愁你寒窗百慮煎體嬌心倦待織到連理花枝
還須留意纏綿 丑 我兒明日就去買了機兒揀好

日就動手你一日不趨一日不活哩 占 曉得

春風永巷閉娉婷

曉夜機聲呶呶鳴

唱盡新詞歡不見

烟花冷落過清明

第四齣

副淨扮錢鳳上

雙勸酒 蘧條戚施甘言悅耳似向火乞兒承顏順
旨奴顏婢膝任人嗤好官自我爲之生平性格似
虺蛇腹有戈矛臉有花有甚意頭求富貴設些
巴鼻便奸邪下官姓錢名鳳表字世儀嘉興人
也若論我平日做人真个有許多奇妙天生成
一條爲鬼爲蜮半明不白秤鈞兒般的直肚腸
又長成一副斑斑駁駁花嘴花臉染缸兒似的

好面貌別沒甚伎倆才能專一味脅肩諂笑見
貴人蹲低了曹子交的長身好似頂枯骸的死
尾狐對小民拽扎起閻羅王的狠臉有如新出
林的金錢豹逞着三寸簸人弄人的快古當地
便起千丈風波藏着百般算人哄人的機謀對
面還如九嶷峯嶠赤頭蠅任爾嗔憎白日鼠由
他譏誚嘗盡了美甘甘香馥馥董賢鄧通的黃
龍陽嗅盡了臭烏筋泥滑辣五侯七貴的鞞鼻
凹送錢財上門忙忙伸著頸好似鸞頭好朋友

相訪請請縮着頭猶同烏龜假謙恭賽過王
莽施詭譎不數曹瞞人都道我是楚元極的教
門我自想還是吳伯嚭的腔調笑介那曾怕生
前三尺難逃還只愁死後一報還報我錢鳳蒙
王大將軍擡舉現做叅軍名位雖不甚高腹心
頗頗相托中軍帳惟我獨尊前箸籌誰人敢借
目今晉室不綱刁劉擅政大將軍現總八州軍
馬聲勢赫奕朝野震恐况有親兄王導現爲丞
相每事與大將軍相爲表裏眼見得大事可成

受禪有日那時大將軍做了皇帝王丞相做了
皇兄我錢鳳豈不是第一个佐命元勛好暢快
活且待進見之時勸他早早渡江呀轅門掌號
想是大將軍陞帳矣淨扮王敦上

秋盡香**睥**昵乾坤雄志干將劔雙倚雌雄典午衰
微棲遲江沚定伯畧必須剪此減字木蘭花朝廷

多故湏知鼎革天之數誰廢誰興可奈狐狸擾
玉京英雄困久從今得展拏雲手南向揮戈直
搗新亭奈我何孤姓王名敦字處仲瑯琊臨沂

人也向武帝褒城公主拜駙馬都尉後因翼戴
今上累拜鎮東將軍都督江南等八州諸軍事
駐劄姑熟我想晉室凌夷王氣將盡况有劉隗
刁協在內弄權每每排沮孤家孤今乘累代餘
威藉八州士馬內有吾兄茂弘外有叅軍錢鳳
晉室宗社何愁不入吾掌吾兄已差人在此徵
取入朝不乘此渡江而去更待何時笑介蛟龍
豈久池中物騏驎寧甘櫪下終叫將官大開轅
門請錢叅軍議事衆介副淨入跪介主公錢鳳

見淨世儀少禮世儀丞相有書來朝廷亦有使

命取我入朝何時可去副淨鳳聞時不可失卽

今日便宜渡江不可遲滯淨分付大小三軍趁

此風日晴和速渡過江去衆吶喊介

朝元令揚旌誓師千里龍蛇字橫槩賦詩千古風
流事整頓餘艤遠臨江汜只爲羣狐爭肆天地無
私干戈斧鉞寧浚時白羽逐青絲龍旂引鳳輜合
風颿如駛指日見錦衣兵士錦衣兵士
前腔滾滾波濤吞噬靈潮萬里澌天塹勢難支看

京觀陳屍舟中掬指窮醜自求顛蹟江左一枝枯
魚响沫真可媮管教你愁遂楚天滋恨同吳水容
合前

前腔 隱隱金焦山寺狂瀾砥柱斯暢望酒頻醜吳
楚分雄乾坤自爾笑問朝宗何自撫景追息投鞭
欲濟誰敢尸矯矯祖生詞鬼鬼公瑾祠
合前

前腔 渺渺煙青峰紫山巒挺玉芝雲樹映茆茨錦
浪霞浮金波日刺噴浪鯨鯢不試雲影天光中流
自在堪舉卮短棹泛鷓鴣長汀立鷺鷥
合前衆稟

爺已到石頭城下了淨錢叅軍孤已到此如何

百官不出迎接不來犒師傳下號令著軍士高

聲大叫著晉家宰執軍前議事副傳介大小三

軍大將軍有令向城下高叫喚晉國大臣軍前
議事衆應喊介外小生醉容上

三棒鼓 石頭城下酒如溜色過琥珀瓊脂也醉何
辭狂來撚髭醒來抹眊難自措還愁明朝欲買無

貨也難賒一鴟難賒一鴟小生伯仁兄我輩飲酒

甚樂忽聞王敦渡江而來其意何如外他不臣

之跡頗顯彰露果不出幼輿之言今來入朝目中那有我輩相見時和你不宜卑屈使彼覷江東無人小生伯仁所見極是外對小卒介報去

說有周戴兩尚書拜望卒報介淨錢叅軍相見

之禮若何副淨待錢鳳出去講定了然後相見

淨說得是副淨出見介二位老先生拜揖外小

生世儀兄拜揖副淨二位莫非要見大將軍麼

請問如何行禮外小生呀朝廷自有體統尚書

八座之尊難道停叅不成副淨老先生差矣大

將軍禮絕百寮位在諸侯王上况今日手握重兵江左危于纍卵卽官家尚且拱手二位老先生何難屈膝倘以禮數之虛文賈不測之實禍那時螳臂奚施麝臍空噬莫怪錢鳳此時不言也外小生笑介世儀大將軍雖尊同爲朝廷臣

子非有君臣之分大將軍來而我輩不出罪在我輩出而不接罪不在我若大將軍不出我輩也不入副淨等錢鳳委曲去稟進介周顛戴淵

崛強之甚必欲與主公講鈞敵之禮依錢鳳看

起來主公少自貶損哄他進來就說話中間尋
一罽端殺此老牛實爲上策淨叅軍之言有理
叫開門請二位尙書相見淨出接介外小生進

見介淨臨江仙聞道江東花正好家家庭戶春

風乘流特自泛艨艟洗兵楊子水駐馬秣陵峰

外小生王氣自來推建業靈長國運矐矐處仲

兄我與你猛拚飲散百壺空且將鴻鵠意付作

馬牛風淨伯仁兄若思兄孤之此來朝議以爲

何如外小生不知處仲者以爲逆節深知處仲

者以爲忠誠淨笑介卿可謂能言矣副淨聞得

江東日夜憂恐果有之麼外小生笑介世儀差

矣處仲若擁兵犯順人息賈勇處仲若戮力王

室且悲其來之晚何憂恐之有淨笑介又說得

好副淨只是大將軍到此百官不可不迎三軍

不可不犒外小生世儀一發差了百官各有司

存豈以處仲而離次三軍未有奇績難以勤王

而望賞淨笑介久不見卿詞鋒轉銳外小生

二犯江頭金桂處仲兄你自昔翩翩雄恣英名徹

遐邇通是王家梁棟天府彝鸞展許謨時捫蝨白璧
豈容疵黃金不可訾淨聞得朝廷草創儀文都陵

替了外小生各守官司勿得因而誰敢弄王章同

故紙請問處仲何時朝見天子淨還須擇日副淨

二位身為大臣不知朝廷典故大將軍入朝豈容

草草外小生世儀你那些個言談切憇一謎里威

權憑恃你敢是覷朝廷作奴下廝淨錢叅軍可領

二公觀孤舟楫陣勢副淨得令大小三軍盡皆

出營列成陣勢衆軍擺陣吶喊介副淨大小三

軍可速歸伍衆復喊下淨

前腔伯仁若思你不見我餘艘龍似旌旗舞颺颺

更能羆雲繞粮草鱗差似從心展四肢副淨二位

老先生你須憑龜與蒼莫開釁與疵你不見我主

公呵皤腹于鬣鳳表龍姿外小生笑介副淨更英

豪輻輳充任使須知道天心佑慈人歸如市你若

不識時務呵則怕斷送你老頭皮雙鬢絲外小生

笑介天下事不是一人私議的我輩且告別處

仲兄請了家散萬金酬死士身留一劔荅君恩

外小生下淨吊場介周顛戴淵如此驕傲主公

何不殺之淨二人頗有詞令且負時名留之不

足為患殺之反失人心今初渡江豈容造次副

淨主公之言有理雜扮差官上詔下金銮殿言

投玉帳中報進丞相府差官下書報介雜跪介

丞相差小官稟上爺嫌疑之際不好相見書中

之言切乞介意遞書淨看介差官自回另遣人

送回書來罷雜曉得將軍不下馬各自奔前程

下副淨丞相大爺書中之意若何淨他前邊勸

我誅殺周戴後邊引薦一人名曰謝鯤此人孤

亦曾聞其名收之幕下亦好參軍明日就將些

禮物去聘來副淨領旨

極眺金陵城 高風捲旆旌

孔璋文素重 萬里可橫行

第五齣 占上

嬾画眉小立闌干春晝遲蕩漾晴光燕子飛枕痕

一線粉腮歆忽聽鳥語因風碎幾度支頤嬾画眉

鳥夜啼小桃落盡殘紅夜來風又是一番春事

不從容綉窗畔機軋軋恨重重可惜日長閒掛
小簾櫳奴家縹風奉母親命織錦爲活這是女
子分內的事只是機兒不要擺在房裏故
意擺在當門奴家日逐上了機門外踏春年少
不知有許多來調弄我雖不睬他却是欠雅西
隣有个謝叅軍風流蘊藉時常過來看他十分
留意奴家奴家若得這樣一人終身事奉也免
了青樓之醜只是母親嫌他家貧每每怠慢他
他雖不放在心上奴家却過意不去今日母親

人家吃酒去了不免上機兒撻織一回

前腔手攬金梭息欲迷寒食飛花香滿畦挑絲理
素机拋擲隣姬莫問容顛顛只許西窗夜月知

醉上介

前腔賞勝尋芳帶醉歸臥酒吞花日幾回行行慢
到玉樓西呀忽驚小婦鳴機織

占作嘆介生

看他

歛態停梭聲正欵小生從西郊踏春而歸不覺爛
醉前面已是元媽媽家你看縹風正在機間織
錦看他面如明月輝如朝霞色如桃葩肌如凝

雪乍見如紅蓮透水近覘如彩雲出山天下那
 有這樣好女子且走上前去看他如何 揖介小
 娘子作揖 占機中不便回禮省了罷 生你就下
 機來還我一禮不好麼也罷我這今淡啗不到
 得拆了本小娘子小生酒渴得慌借盃茶吃 占
 家貧沒有現成的 生既沒有回去吃罷 欲走又
 轉介 占怎麼去了又轉來 生我想來沒有茶涼
 水借甌兒也罷 占前邊河水最清好解酒 生又
 道是酒渴愛江清小娘子小生特來相訪喜得

你老厭駝不在你就下機來一會兒有甚虧了
 你 占我巴不得完此機錦省得母親聒噪那有
 功夫與你閑講 生笑介 你不肯下機我自到機
 邊來看看小娘子這錦也有名麼 占

香遍滿這的是天孫雲綺迴環繡紋真个奇沒倒
 斷金針拈又棄 生小娘子這是甚麼鳥兒 占彩鴛
 雙水嬉 生這個花是甚麼花 占紅蓮並蒂儂 生這
 也到有个取意見元有這花樣兒麼 占幽情說向
 誰花樣子隨心意 生

二犯梧桐樹小娘子我看你這錦呵花心爲鳥歆
鳥翅藏花底就錦字迴文也猜不出多情謎只是
一節怎禁得當窗啼鳥聲聲碎你靜守机梭只恐
春愁消瘦伊你不見青驄控引花前轡多少佳人
笑倒在鞦韆影裏占

浣溪沙

謝老爺你情意兒我心自會生憎的命運

合頽娘行逼入煙花隊教我到紅粉叢中著舞衣
我愁無際只得向寒机兒度歲月見人羞說个真
實生

劉潑帽

小娘子看你嬌羞暗把眉兒背熱心人聽

了心恁可怜雅志冰霜履小娘子你若肯隨了謝
鯤呵也不用媒願解下腰間珮占起身介老爺若

肯提援奴家不使淪落願終身奉事奴家就此
拜謝生只恐你母親不肯占拜生答介占

秋夜月

我真心怎移願白首如今日地老天荒時

雖逝風淒露冷心無懟老爺須不是路李莫看成
野卉丑上

東甌令

今朝醉爛似泥兩脚蹣跚屢舞傲門前何

事人聲沸

看介

阿呀元來又是那個謝窮鬼嘗湯

水哩惱殺人也沒廉恥

見介

謝老爹今朝下顧甚風

吹背地裏耍虛脾

生笑介

元媽媽你把女兒嫁我

罷

丑

好好嫁了你好一對兒打蓮花落去不識

羞的賤人前日說了許多不肯接客的說話背

着我机又不織與人調弄別个也罷偏要與謝

窮這個不長進的東西閒講

生笑介

你那見我

窮來

丑

金蓮子 看你穿一件蛇蠍皮迎風只覺寒酸氣

生

咄介

好好你當面罵我女兒不嫁我不到得饒了

你哩

丑

做出个沙村勢逞威

占

母親少說些罷孩

兒心下也要嫁他哩

丑

你要嫁他早哩打點个合

歪歪向高高山上搭救你塊望夫石

尾聲 謝老爹從今放着傍州例好向藍田種下雙

白璧那時節纔許你担酒牽羊來娶妻不識羞的

賤人還不隨我進來

丑占下生笑介

這個老乞

婆這等無禮

朱芾馬嘶楊柳風

樹頭樹底覓殘紅

歌聲緩過青樓月

只有襄王一夢中

第六齣

旦上

探春令 醪醑香夢怯春風嘆雲髻飛蓬甘勞苦杼
軸燈前控肯貪耍閒虛哄妾本儒家女深居綠窗
裏結髮嫁謝郎荆釵布爲被抱甕朝汲泉挑燈
夜針蕭常誦交儆詩雞鳴勸夫起所嗟室屢空
食貧世所耻良人負跣踵所遇多荆枳門戶冷
了冰人情薄似紙傷哉行路難悒悒詎能已奴
家王氏自從相公出去數日不見回家家裏十

分艱窘全憑針繭度日我父母家在豫章許久
不知爲何再沒个音信來這裏要稍个信去苦
無便人甚是放心不下我相公雄才大畧不肯
出仕終日只是吃酒問着他又不說咳如何是
了

桂枝香 蘭閨愁冗綉床閒空金針紉就慵拈綵線
添時恨種聽黃鸝聲轉聽黃鸝聲轉枝頭調弄閃
得我心煩意恐理殘絳豈因鶉結身難蔽便向牛
衣泣夜中相公只是不見回來外邊什麼人鬧且

把門兒閉上則个 下副淨扮錢鳳衆持禮物上

不是路 禮物重重要聘人豪蓮幕同深山裏崎嶇

屈曲路難通 似獵飛熊若還梁父能輟咏會見天

山早挂弓 衆稟爺前邊有座茆屋不知可是謝家

副淨 茆簷下想子真一覺華胥夢左右的你且把

玉驄輕鞚玉驄輕鞚錢鳳奉大將軍特旨來聘謝

鯤我想此人曾做東海王府叅軍不勾一年就

放歸不用聞他在家整日飲酒看來也是沒用

東西只是承大將軍命不敢不去左右的可會

問謝老爹家住在那里 衆一路問來說在玄武

湖邊門前有柳樹數株這幾間茆屋想必是了

副淨 你去敲門說有錢叅軍來拜訪 衆扣門介

旦內荅介 是誰人扣門 衆我們是錢叅軍老爺

特來拜你們謝爺的 旦不在家 衆稟介副淨問

在何處好到那所在去尋覓 衆又問旦回 不知

去向 衆又回副淨介 可再問幾時回來我們在

此待待罷 衆又問旦回 歸期做不定的或十日

或半月俱不可知房子狹窄天色又晚不好勞

得尊官久待

衆又回副淨介

這怎麼好你再傳

進去王大將軍久慕謝爺才名要聘出去做官

特差錢爺親賚禮物到門既謝爺不在禮物求

夫人收下待謝爺回來多多拜上說我在石頭

城下相等

衆又傳旦白

老爺不在禮物不好收

得回來說知自然來謝

衆又回副淨介

既如此

且回夜靜水寒魚不餌滿船空載月明歸

衆齊

下生急上

勝葫蘆落拓終朝醉
墻東寧放酒盃空
乘月歸來

途路永

看介

呀前村爲甚燈火照天紅
已到自家

門首夫人開門

旦

空山築茆屋那有燕飛來

旦

開門介

呀相公這早晚何處回來

生

在東村頭

吃酒回來

旦

相公你不在家方纔有許多人將

了禮物來說要聘你出去做官

生

我途中曾見

有許多燈火夫人可曾問他姓甚是那里差來

旦

他說錢爺親自到門人說是王大將軍着

他來的

生

原來是王敦錢鳳夫人不會受他禮

物麼

旦

我說相公不在不好收得他說在石頭

城下等你請問相公應聘也還是不應聘生夫

人君子席珍待用豈甘懷寶迷邦然須事得其

人而後名垂千古王敦尚先帝公主爲都督尊

官一見晉室顛危遂爾稱兵犯闕這樣人我謝

鯤寧可餓死溝壑不願受其爵祿旦相公且把

近日朝廷消息說與奴家知道生

桂枝香秦淮波洶鍾山塵擁那王敦呵憑依累代

雄威擅把八州兵弄他擁兵石頭擁兵石頭鸞輿

震竦寢園騷動旦相公的意還是如何生我氣豪

雄爲韓欲奮留侯憤滅賊期追諸葛功旦相公不

從王敦極是正道難道朝廷聘你也只是不出

前腔旦你心雄氣猛才高志橫據鞍功業宜成磨

劍精神須聳若禮意已勤禮意已勤塩梅可共難

道鑿坏絕踵好逞飛驄早令壇上推韓信頓使行

間識呂蒙生王敦篡逆神人共憤卑人豈無包胥

之志奈朝廷未嘗見知終難銜玉自售

前腔我有紫芝堪種素書堪誦羊裘五月甘披鶴

禁一生情迥看柴門晝關柴門晝關雲山屏拱鹿

蝦游泳前日周戴二兄曾勸卑人出仕來且相公

如何回了他生我心已逐冥鴻謾勞故友徐元直

來訪襄陽龐德公且奴家不知外邊事體終朝懸

望家中消息原來兵戈阻絕道路難通老父老

母不知向來安否且悲介生王敦從姑熟來與

豫章無干岳父岳母晚景自然康勝姑待稍稍

平靜我就尋便稍信去夫人不必深慮

獨向山中抱素琴子期何處覓知音

祇因烽火連三月真个家書抵萬金

第七齣雜扮黃門官上

點絳唇雉尾開張龍樓初啟雞人唱日射雕梁看

瑞氣藹朝門晃間闔迷雲起巖廊拂霧開鶯歌聞

太液風吹繞蓬萊自家晉朝一个小黃門是也

恐上位爺視朝只得在此伺候我想晉家自世

祖皇帝受禪之後平吳定蜀奄有天下不意五

十年後五胡紛擾二帝播遷賴我今上皇帝渡

江而南開基建業纔得偏安一隅王敦賊臣常

欲稱兵犯闕國勢甚危聞得今日朝見又不知

作何景象咳我想世祖皇帝好容易得這天下也

混江龍想當初三朝鼎王孫吳劉蜀魏曹邦我世祖呵急攘攘東征西蕩雄糾糾斬將擒王火燒了千尋鉄鎖踏平了三月瞿塘甫能勾車書一統只指望奕葉千霜誰知道櫛風沐雨新基業到做了鬼哭神號古戰場空惆悵休道千年建業栖丹鳳則恐怕一曲伊洲淚萬行怕見的羊車御駕繫辟宮妝說話之間火城潮繚丞相入朝矣湏索迴避

咱丑扮王導蟒衣上

神仗兒頭廳宰相頭廳宰相威權無兩正王家執掌有弟來從人望多應天命來歸吾黨且就裡暗助勦且就裏暗助勦隻手擎天天可摧令行山岳盡皆移痴兒不了公家事男子要爲天下奇下官當朝丞相王導字茂弘晉自二帝陷虜宗社丘墟下官與兄弟大將軍處仲同心戮力推戴今上爲皇帝渡江而東豈意卽位之後每每排抑吾家以此大將軍深懷怨恨從姑熟起兵來

此嘗聞得江東童謠云王與馬共天下此正是
晉室當滅吾宗代興之兆但吾身爲元宰恐人
議論以此陰與定計佯爲不知事成則與吾弟
同其榮不成不與吾弟共其辱滿朝人一向也
被我瞞過了日來聞得聖上頗頗疑我只得在
此待罪呀周戴兩尚書來矣不免求他解勸一
番笑介正是欺君誤國無雙士嚇鬼瞞神第一
流外小生上

前腔雲凝龍幌雲凝龍幌霞籠仙仗羨皇圖威壯

誰料攙搶光莽須臾間天昏日月失朗賈餘勇媿
螳螂賈餘勇媿螳螂外建闕餘蛇豕宮闈盡虎狼

小生何時息爭戰歸馬華山傍丑進揖介二位

老尚書拜揖外小生老丞相拜揖老丞相令弟

入朝其意如何丑不知那天不蓋地不載的強

盜畜生做這等勾當連累我也沒趣得緊近日

有人一發說我也知情的外小生令弟幹事果

然令兄也難推不知丑若是王導知情的丞墮

阿鼻地獄聞得聖上深相猜忌我想王家百口

必是兩位老尚書可以保全沒奈何望乞鼎言

昭雪 外生笑不答介丑 老尚書王導是知事的

定然重謝 外小生又相顧笑不答丑 沒奈何王

導下跪 跪介外小生怒介 茂弘兄作何情狀呀

聖上早已陞殿矣 丑 王導待罪闕門不敢朝見

專在此等候回音正是眼望旌捷旗耳聽好消息

息 下外小生吊場末扮晉帝宮女太監武士上

西地錦舉目山河悲愴驚心刁斗叮咚咸陽王氣
都淪喪離離蒿滿宮墻封狐雄虺日成羣負固憑

陵畫結氛誰解龍韜開玉帳掃清君側淨埃塵

寡人大晉大興皇帝向封瑯琊王懷愍北狩洛

陽失守寡人渡江而東卽位建業皆賴諸名賢

王導王敦翼戴之功不意二人恃功驕恣據荆

揚八州而反假以誅討劉隗刁協爲名屯兵谷

口昨日打進表文說今日要來朝見寡人心膽

俱碎不知當何以待之且待衆文武到來商議

則个 外小生進叩首介 臣周顛戴淵朝見願吾

皇萬歲 末 伯仁卿若息卿少禮王敦不道瀆紀

嗚今日朝見甚櫻朕懷不知三卿有何策以
策之外小生且待丞相到來末呀二卿差矣王

導乃敦之兄難道王敦作逆王導不知朕方欲
闔門誅之二卿反倚爲腹心乎外小生王導忠

誠勤慎乃心王室臣等願以百口保之願陛下
不以管蔡而疑周公末匪卿之言朕幾誤殺只

是心尚懷疑今日且免朝見且說禦敵當出何
策外小生臣觀逆賊貌雖貪狼中心實餒錢鳳

性亦多疑陛下但閉上朝門安坐宮中彼謂內

廷有備必不敢入子女玉帛願陛下毋愛令飽
其欲自然退去內搥鼓吶喊掌號畢傳介奉大

將軍令着錢叅軍帶領衆將官把大內四門攻
圍軍中俱要吹唱使軍聲徹于宮內令其喪膽
子女玉帛糧草衣甲盡欲擄入行營論功陞賞
違者軍法副淨內應得令末

啄木鸚軍擾攘聲沸囉亂我心旌風搖颺他窮九
攻奮擊無遺我存一旅捍禦何妨一似空堂幕燕
何惚恍深山放虎相依傍只落得立盡空宮白日

黃副淨領衆上大小三軍你看晉家庫藏衣糧好

不富貴也 走唱

滴溜子金和寶金和寶千箱萬箱糧和草

千倉萬倉擄去充吾庫藏湏令一旦空莫教留放

還要隊伍分明前合後仰下內傳掌庫藏官啟事

錢鳳率領三軍將各處庫藏衣糧盡行劫空乞

掌朝門官轉奏萬歲爺內官跪奏介末伯仁卿

若息卿如此怎麼好 外小生

啄木鸚他威方長氣正揚貪似豺狼狠若羊湏知

道銳始無終也應柔可勝剛猶如劣馬嬌難養還

同毒蟒嗔難抗慢傍徨看他遊魂血污不久定淪

亡副淨又領衆上大小三軍你看江東婦人好不

標致也

滴溜子如雲女如雲女顏如孟姜秦淮里秦淮里

宛同濮上擄去充我鴛帳今宵窈窕娘不勝歡暢

還要隊伍分明正齊不爽下內傳王城司隸校尉

啟事錢鳳率領三軍將城中子女盡行搶擄煩

乞掌朝門官轉奏萬歲爺內官奏介外小生臣

啟陛下王敦不敢入城到處盡是錢鳳行事可見其中心惧怯今志願已遂將出城矣內傳城

門司隸校尉啟事錢鳳三軍悉已退出城外屯住新亭煩乞掌朝門官轉奏萬歲爺內官奏介

末逆敦雖退勢必復來卿等有何策以禦之小

生臣啟陛下城中各衛軍士約有五六萬臣願

率領屯守新亭以為聲援制其再入他糧盡援

絕或有勤王兵至自然遁去若欲與他相持廝

殺則我弱彼強非臣所敢必也外若得若息肯

行亦復何憂末傳旨即日拜戴淵為討虜將軍

小生謝恩介末外

三段子你請纓個儻倖長鯨龍泉射芒死綏慨慷

斬蚩尤龍駒快驤小生未紓王粲登樓况徒懷平

勃興劉望末管罇俎從容功成必賞小生臣就此

拜辭陛下叩首介銅虎承恩日牙璋發旆時雲

迎出塞馬風捲渡河旗小生下末外吊場外戴

淵勢孤力弱難以獨任臣有一人名曰謝鯤實

江方臥龍也當今朝廷乏人伏望陛下以禮聘

之不然恐為逆敦所先末朕亦曾聞此人就是
伯仁卿明日將禮幣去致朕側席至意外

歸朝歡那吳門隱吳門隱沉醉麴鄉絕不問人間

波浪末安車駕安車駕竹帛筐筐似隆中顧頻舞

葛相合若得似渭濱解綸前車訪莘畊釋耜翻然

想賊敦賊敦管教你老大頭顱齒劔鏃

笑道猖狂似禰衡 何時開閣引書生

蓮花幕下風流客 致主何憂不太平

未下外吊場主上入官去了下官也出朝去罷

丑迎上 呀伯仁兄退朝了所求之事如何外作

不理介今年殺盡諸賊奴管取金印懸肘後左

右的打執事回衙去下丑恨介 呀周顛周顛我

與你怎的好朋友我今有難不值得一言相救

反要殺了我自做好官去又恨介你若不撞在

我手也罷了着撞在老王手內不到得輕輕放

過了你哩正是有恨方君子無毒不丈夫下

第八齣占上

風入松慢落花無主逗闌干春事將闌臨風暗把

丁香綰含情處秋水全刊綉領任垂蓬髻寒机倚
盼離鞍浣溪沙塵壓鴛鴦廢錦機滿頭空插麗春
枝不知春去幾多時東隣舞妓多金翠紫玉騷
頭雲鬢垂笑剪燈花學画眉奴家自與謝郎相
約之後日日想念他他也常來看望我獨恨母
親重富輕貧把他十分凌賤他只爲奴家十分
忍耐城中有个烏客人母親苦要奴家接他奴
家雖不肯從只怕還要來纏呀言之未已母親
又同他來矣奴家只推織錦不睬他便了上切

介淨丑上淨唱

字字雙我做商人難上難丑經販淨秤金量玉不

會閒丑手慣淨生來俏俐又輕儇丑希罕淨只是

六十無妻號老鰥丑極漢淨笑介極漢極漢最是

撒謾小丑笑介年前送了我三分銀子到吃了

兩頓酒飯淨小子江西撫州府臨江縣烏斯道

來此秣陵賣些瓦楞貨物元媽媽兩日女兒如

何小丑老烏可怪那小妖精你這一位財主不

肯接偏要與謝窮偷情今日我與你同去看他

肯便肯不肯老實打他一頓淨不可不可關經

上說得好若要佳人近全憑寡幫襯你若使性

子落得掃了我的興依我來如今到他跟前

去你一句我一句做好做歹不怕他不回心轉意

丑說得是就去就去見介丑呀我兒又在此織

錦生受你烏爺我這女兒最孝順見老身貧窘

織紡供我自從上了机脚兒也不踹下來你道

好也不好淨難得難得只是這般辛苦可不消

瘦了你玉容還是散誕散誕丑兒烏爺說得好

你就出來散步些兒與烏爺相叫一聲也好占

孩兒不耐煩下机

步步嬌慢理絲頭試把機輕按脆韌難擇揀謾道

龍光蜀錦嫵只這時樣花紋扣緊難釵那更縱澀

不堪扳那裡敢拋針棄線胡鑽嬾丑這烏爺十分

富貴又是娘的好朋友不可怠慢他還下机來

相見纔是淨大姐只下机來道个萬福小子就

送一百个瓦楞帽兒丑

江兒水兒他有金滄海銀泰山良田美屋千千萬

淨 譚介 則我這頂瓦楞帽兒冬夏戴他就值一千

貫 丑 更風流才調多瀟散 淨 譚介 不敢欺宋朝子

建其實還沒有這頂帽兒戴哩 丑 又留情燕子青

樓盼何事將人輕慢更不道美玉前程全在你下

機一粲 占不采介 丑 呖啞孫兒這等可惡莫討老

娘性起 淨 又來使村你不會說話怪不得大姐

不睬等我去包你一說一个肯大姐作揖 揖介

占不采介 丑 賤人財主家下禮你不睬他 淨 又

來多嘴淡水喏那里算帳大姐在下不是別人

江西撫州府臨江縣有名的烏百萬烏半州金

銀珠玉整担兒挑綾羅錦絹則當布使只少一

个老婆你若肯隨我這些東西都是大姐掌管

沒奈何說个肯字兒小子就下跪 跪介 占 又不

采 淨 大姐你頭也不掉轉來敢還不認得我且

不要說我家中富貴 淨

玉山供 則我這風流魁岸也堪稱潘家阿安但蜂

媒有意桃花我就訂鶯期引板蘿蔓大姐只是不

則聲不肯嫁我了只得再跪 又跪笑介 我含羞自

筓不肯嫁我睡一夜兒罷早難道一夜夫妻踏泛
大姐一夜不肯會个房兒也罷也當春風過解饒
頑尾生橋柱笑空攀占

玉胞肚 那有許多胡訕看他具襟裾馬牛一般淨

笑介 有興好罵丑 阿呀這個不受人擡舉的賤人

罵了老娘還可天來大一个財主你好罵他老娘

手中無情分沒眼珠的棍兒不到得饒了你哩少

不得打下你半截腿來占 拚得个玉碎珠沉休息

量意轉心反丑 賤人謝窮鬼爲甚與他弄把戲兒

難道烏爺到不如他占 他風流名士壓騷壇烏鬼

寧同仙鶴班丑 賤人還不要走出來跪着領老娘

一頓粗棍兒淨 掩丑口譚介 媽媽又來粗幫襯

後生家性子慢慢兒偎他轉來不要與他作硬

你到我下處去煖些酒疎氣丑 小賤人你不要

快快里閉了門落花有意隨流水淨 流水無心

戀落花淨 丑下占 吊場關門掩淚介 縹風縹風

你若留得親爹娘在那見有今日出醜

桃紅菊 生要我踏花街把新聲譜翻學當壚把筓

後抱彈可不折沒了舊人家風範人家風範認錯
了羅敷女志慳生醉上

園林好千般恨飛花正珊百無計留春再返放不
下花觚酒盞恰又早步蹣跚我郊外飲酒不覺爛

醉此間已是縹風姐門首呀爲甚的把門拴敲門

介占是誰扣門生是你知心的謝郎占開門介

原來是謝老爹有酒了裏頭請坐生進看占介

忒忒令你爲甚的腮邊淚潛莫不爲春去苦難留

挽占妾身日坐机上那知春去歎介生你在閨中

寂莫不由人長嘆抱占看介似一朵淡梨花映朝

霞含珠露迷蜂蝶到晚縹風姐我兩日不來你可

想我麼占

好姐姐你看我翠鬟蓬鬆亂散望東牆淹淹淚眼

爭奈不做媒的母親呵終朝絮聒教奴呆撒奸愁

無限何時得孟光接了梁鴻案見了他惡語侵人

六月寒生縹風姐我坐這半日酒都湧上來就你

机邊借我畧睡睡兒且請穩便只是房兒母親

鎖着沒有蓆子生要甚蓆子地上睡甚好睡介

丑醉上 莫信直中直須防仁不仁我老身正在

老鳥家吃酒有人說謝窮又到我家來了因此

急急趕回你看起初教他關着門如今開了小

賤人誰在此 占謝老爹在此 丑怒介 不識羞什

麼謝老爹不管氣殺了老娘如今在那里 占他

因酒醉睡在机下 丑看拖生生不醒介丑叫脚

踢介 謝窮鬼謝不識羞還不要起來 占他醉了

由他睡覺有許多大驚小怪 丑打占介 你這小

賤人還敢開口還不要走進去 占掩淚下丑又

喘生生醒起介 呀媽媽回來了縹風姐那裡去

了討盃茶我吃 丑好扯淡殺風景縹風是你的

茶却有要與你吃不如丐兒吃了 生笑 媽媽小

生到你家往來也不見得辱抹了你怎麼只管

怠慢我 丑麻蒼蠅好貨

錦衣香 看你衣服殷多補綻脊背彎如病痘更兼

不醋不酸喬妝喬扮只虧你撩雲撥雨不胡顏 生

笑 我自有的偷香手段竊玉机關着甚閒羞赧 丑跌

足介 罷了罷了依你說來小賤人被你刮上了指

望梳櫳時還要起發人一主大錢哩 撞生介甚來

頭搶人衣飯謝窮今日不與你干休了 生笑介不

干休待怎麼 又撞搶落生巾介生怒 風婆子休得

無理 丑 你偷竊無昏旦幫閑調侃可惜杖兒不在

我手裡狠打一頓纏好 生笑介 要打由你打只是

要上門 丑捶胸介 恨你个研光傻角全無忌憚 生

坐机上丑扯不動取梭擲生齒落生掩口介生

阿呀阿呀不好了兩個牙齒被你打掉了 丑謝

窮你哄誰來哄不信老娘哩 生拾齒介 這不是

這不是你看你看血斑斑的 丑作慌扭生介 你

哄誰 內喝道介丑 官府來了扭你告狀去 外衆

上

漿水令奉絲綸來拔里閭訪賢才作楫濟艱仲宣

何處酒家斲呀左右的前邊可是謝爺麼 衆正是

謝爺 外 快住馬請過相見 衆報介生迎相見介外

幼輿兄小弟造宅不遇那一處不尋到却在這裏

爲何與這婆子結扭巾都那裏去了 丑做慌背跪

求介生 我在春郊飲酒得醉而還 丑叩頭作搖手

介生 偶與那婆子呵閒戲要相牽挽 外 呀幼與兄

你身上有許多血跡口中門牙那裡去了 丑 又跪

介生笑 伯仁兄牙齒雖掉喜得歌吟笑傲猶能辨

外 莫不你這老婦人有些觸犯 丑 叩頭 小婦人怎

麼敢謝爺牙齒自家掉的 生 笑 伯仁何須問何須

問常縱齒患須知道舌可生瀾伯仁兄你

尋小第則甚 外 此間不是說話的所在還到宅

上 細講

尾聲 堪怜晉室今塗炭旋轉乾坤在這番 生 我則

想老守溪頭把釣竿

惜取明時一薦雄 十年書劍任漂蓬

當初諸葛成何事 只合終身作臥龍

生 外下丑 吊場 駭死人幾乎惹出天大樣一場

禍來我那知謝窮到有周尚書這一个好朋友

不合打掉了他兩個牙兒早是不曾說出萬一

說了可不是死也 作 息介 雖然如此到底不好

不免去與老烏商議一番 下

第九齣 小生戎裝領軍上

高陽臺日閃三山風悲二水轅門鼓角聲絕太白
經天旄頭徹夜光射長安宮殿生秋草多秀歌朝
雉飛集撫青萍崢嶸壯志肯教虛擲

換頭寒煙衰草凝碧嘆龍拏虎擲幾時寧謚日暮
依稀淮山江水歷歷丈夫澡髮常息奮奈時艱轉
難匡翊荷君恩深慙尸素補天何日鷓鴣天捲旆
生風喜氣新手持龍節靜埃塵漢家天子圖麟
閣身是當朝第一人秦苑鹿漢宮椿傷心世事
不堪聞東風不管興亡恨吹落朝元閣里春戴

淵親承王命出鎮新亭豈不欲滅此而朝食爭
奈江東孱弱荆揚整銳我方偷一時之安彼且
擁八州之衆一時也難與爭鋒只好擁衛朝廷
聊爲聲援姑俟四方勤王兵至再作道理
副淨上 卒引

青歌兒我參軍十分豪氣大將軍寵幸無比而今
江左勢孤危兵屯江上一似魚遊釜底我錢鳳奉

大將軍命來探戴淵虛實并說他投降此間已
是轅門左右通報 報介 稟爺錢將軍在此要見

小生請進來 副淨進小生迎介副淨

漁家傲 若

息兄看你志氣翩翩裘帽小雄威糾糾貔貅遠

開府新亭神鬼嘯揚旗旄指揮若定天吳掃小

生世儀兄你入幕評謨胸暗飽投壺帳底供談

笑紫綬垂垂登顯要誰能到叅軍瀟洒當年少

世儀來顧必有所諭 副淨若息兄看你丰儀豪

舉少年美質江左名賢實鮮其偶看來審時識

勢還要讓老錢一步兒 小生笑介怎見得戴淵

不識時勢 副淨晉室衰微奸邪秉政人心已去

天命可知王將軍英雄神武當世無兩朝野

傾戴人望攸歸今來統如山之士馬壓彈丸之

江水實有泰山壓卵之勢你不乘此時率衆歸

附爭先迎降却乃提一旅之師抗百萬之衆何

異螳螂奮臂羊豚鼓鬣 小生笑介世儀來意却

是要戴淵如何 副淨若息若能誅斬刁劉解甲

來附錢鳳自當保舉大將軍寬仁大度不念舊

惡那時富貴自不可言若徒恃兵威畫江而守

窈恐天兵到日玉石難分若息那時悔將奚及

前日大將軍欲親自入朝却是錢鳳阻了若此
番入朝君臣官府之間盡皆不美此是錢鳳爲
若息明言也 小生怒介 呀錢世儀你說那裏話
我戴淵一點忠心九死不顧王敦篡逆恨不能
磔殺之以安王室世儀乃爲彼作說客耶 副淨
錢鳳不爲大將軍乃爲足下耳

高陽臺 晉室凌遲天心歎棄秣陵王氣消畢鼎草
垂成大將軍已膺圖曆你不見前日渡江來時絡
繹紛紛歸附如不及獨伊家擁兵抗逆因此奉恩

綸特陳利害莫終沉溺

小生作挹淚介

前腔 悲憶目斷金陵魂栖鉄甕忍看鹿走宮掖劒

氣扶輿一心要屠奸慝

副淨

若息兄大將軍曾有

言晉室元老舊臣若早歸降我自念其勛德布列

要位這般德意不肯仰承你也太執了

小生

非執

休將腐鼠來駭嚇爭如我一腔忠赤整三軍背城

借一再興王室

副淨

前腔 休惑大將軍呵豁達多奇龍行虎步天授豈
由人力你蕞爾孤軍當車賈勇何益難得今朝寵

命來首錫掌樞衡只爭旦夕願歸誠偃旗息鼓莫
虛前席 小生

前腔難滌白鷺洲邊青溪橋畔春歸夢裡啼泣委
質爲臣肯容反面從賊錢鳳你看我呵叱風行雷

厲霆迅擊

指內介

笑遊魂江邊惕息管功成除兇

雪恥易如掇拾叫刀斧手採那賊臣出去閉上營

門

衆推出副淨介小生

始信疾風知勁草果然

世亂識忠臣

下副淨吊場笑介

好笑好笑我錢

鳳奉大將軍命好意來說戴淵天下那有這般

古怪的漢子崛嶮的村夫國家興廢干我何事

只顧做好官罷了怎麼好官不要做偏要做什

麼忠臣忠臣忠臣只怕你性命難存不聽我也

就罷了一發把我推出轅門聲聲罵我我如今

到丞相大爺處打个關節到大將軍跟前攛掇

一句尋个計較一畧兒殺他娘罷了只教你臨

崖失馬收韁晚船到江心補漏遲

下

第十齣

旦上

宜春令空房靜永日幽笑謀生還如拙鳩藁砧何

在荆扉盡日無人扣相公你賦長門不媿相如貧
豎河真同莊叟且向虛窗閑調針繭斲消清晝夫
君青雲器何意常窘迫三十猶布衣埋照稱醉
客我相公半世顛狂一生醑酌家徒四壁日缺
三餐雖無蹈海心却有踰垣操幾番勸他出仕
只是不肯家裡十分艱窘難以度日早間爲借
米出去還未回來只得在此坐待

生負米上

前腔山中相壺內侯傲乾坤雲畔月疇不求聞達
枯魚望活唯升斗可笑前日錢鳳來聘我一似喚

嬰兒咄去嗟來我豈肯學閨秀呈妍蓋醜論人生
輕身求售豈如堅守已到自家門首夫人開門

旦應開門見介生

借得米在此夫人收下

旦看生

介相公你身上爲何斑斑駁駁有許多血污

生

笑介

偶然耳還未暇與夫人細說周伯仁約我

講話夫人且迴避

旦

要自狂夫不憶家窮途日

日困泥沙紅顏自古多薄命厨靜空如飯一麻

下生吊場外衆上

前腔耕莘野版築求信風雲心孚意投客星何處

晶光夜夜干列宿衆稟爺已到謝爺門首了外我

有許多騶從幼輿必然怕我薰灼左右的且迴避

只在村口相等便了衆下外且喜開門在此不免

徑入外進介生迎揖介外幼輿兄你似蓬池侶到

處藏名夷門隱偏難相邁但願無嫌小就共襄時

繆生伯仁兄小第與你相處多年還不知小第心

跡

前腔我是魚鰕侶鹿豕儔愛閒心已被白雲款留

九重丹詔休教彩鳳啣來就媿禰衡誕傲虛名拱

外介謝北海慇懃侶奏只恐怕操竿鼓瑟慢勞求

售外這般時勢可是你高臥之日生伯仁兄且把

今日朝廷的光景并下顧的緣故細細與小第

再說一遍外

梁州新郎乾坤鼎沸皇輿瓜剖剗地深宮鹿走小

第與戴若思呵損軀圖報孟明志決焚舟因此躬

擐甲胄修我戈矛志在扶陽九知君多偉畧似留

侯聖上呵宣室須君促膝籌憤淚溼征衫袖韜鈴

誰出君家右望早命駕莫拖逗生拱手介

前腔 謝你个蕭何賢相無知故友自愧才能樗枏
青溪碧障子陵合把絲鈎則這些藏頭茆屋濡首
糟丘已覺難消受浮雲同富貴似巢由遠害朝看
麋鹿遊蒙筐篚親相叩但駑駘豈可充天廐起揖
介憑知己謝明后外呀幼輿朝廷多故典午運衰
王敦志圖大寶手移鐘簴我輩正當覩吳鈞而
耳熱撫漢鼎以心酸豈可肆志林泉怡情麴蘖
可不頽盡你志氣來

前腔 你不見起臥龍昔日與劉載飛熊當年代紂

更有那夷吾忍死相桓功就他只爲胸藏繡虎手
握靈蛇豈肯老死田間牖况今朝廷多鞅掌志須
鬪豈可懷寶迷邦樂一丘憤淚濕征衫袖安危只
在君出否揖介休固執恁拖逗生

前腔 伯仁兄我謝鯤呵志掀天擬勒千秋要浴日
功垂九有肯一丘一壑拍浮盃酒但只恐枕戈徒
切負乘貽羞那時進退多掣肘感君多意氣許同
仇悲介不覺忿激包胥血淚流蒙筐篚親相叩更
蒲輪麻詔臨山岫敢偃蹇辱明后外拱手幼輿肯

出豈特小第之幸實朝廷之幸也喚賚捧官快
將禮幣過來眾捧禮上

節節高丹書下鳳樓綵雲綉風雲北闕看輻輳

外

幼輿請香案來俯伏聽宣

生跪聽讀介

聖旨到朕

遭家不造内外多迤素聞謝鯤深諳韜畧特勅尚
書周顛親造其廬致朕至意爾其速詣朝堂朕且

側席以俟特賜白璧一雙玄纁四表裡章服一襲

白銀百兩俟朝見之後另除官職謝恩

生呼

萬歲

外通勅書介

揚仄陋禮意稠天心厚

生

豈西京驟

駟堪馳驟只恐遼東白豕貽慙詎

合

不達時盡笑

許由非但知音須識鍾期友

外

請幼輿更衣

生更

衣笑介

前腔伯仁兄你看我貂餘季子裘態搗搜沐猴豈

識冠和綬

外

你看擎天手閱世眸懸河口驪黃牝

牡誰能究塵埃物色難參透

合前外

叫左右擺道

就此入朝去

尾聲哎歡聲載道人爭逐盡道皇家結網周看帶
礪勛名誰與侔

身欲逃名名自隨

鳳啣丹詔到茅茨

預知漢將宣威日

月蝕西方破敵時

第十一齣

丑上

剔銀燈謝窮鬼真真厭駝麻蒼蠅見食輒過並無
錢鈔與綾羅單一味撚酸嘔唾息量無可奈何打
落他門牙兩個凡事不可造次凡人不可輕視好
笑那謝窮日日來闖寡門閑打哄我那小鬼頭
兒被他引熱了心再也不肯接人那窮鬼時常
被我凌辱只是要來方纔我到烏家纔呷得兩

碗酒兒聞得他又在人家回來時正睡在縹風
柷下不覺一時性起乘着酒興就柷上拏起梭
來狠死的打將去剛剛正打在門牙上血淋淋
的把他兩個牙齒打掉了他到也不認真誰想
周尚書正來尋他細問緣故他竟隱瞞不會說
出幾乎嚇殺老娘我忙忙的到老烏家去與他
商議只見街上人亂嚷說周尚書奉旨欽取落
星橋謝老爹出去做官怎麼好怎麼好但不知
此話是真是假我今悄然到他門首看个虛實

生外衆引導唱前不達時盡笑許由非但知音
須識鍾期友隨即下丑慌吐舌介 阿呀嚇死人

那馬上穿紅的可不是他我的謝爺爺我那知
你有這一日早知有紗帽戴的我頂你在頭上

也不多且住他今日做了官明日定來算牙齒
帳怎麼好快與老烏商議去 走介 此間已是烏

爺快來快來 淨上 是誰是誰

前腔 接紅裙朝朝按歌上青樓時時掇座風流浪
子誰如我有的是瓦楞奇貨 丑 又叫介 淨 是何人

門前鬧呵 相見介 淨 元來是夜叉鬼婆 丑 囚攘的

罵老娘 淨 元媽媽你為甚剛去就來了 丑 不要

說起方纔回去我家縹風坐在機前機兒下睡
着一个人你道是誰 淨 莫不又是謝窮 丑 着正

是他又在那裏調戲我女兒 淨 天下有這等不
識羞的厭駝 丑 那時不覺性發起來就机上取

過梭兒擘臉的擲將去剛剛撩在門牙上把他
兩個牙齒打了下來 淨 暢妙打得好 打得巧 可

惜我不在那裏 不會助得你一臂 後來他認真

不認真丑他到也自知理虧笑而受之正廝鬧
間只見有個周尚書來拜他淨驚問介可曾見

他牙齒麼丑見哩周尚書問起緣故那人竟支

吾不說淨可曾曉得周尚書何故拜這樣人丑

你還不知哩請他去做官淨駭白去也不去丑

怎麼不去方纔迎去了穿了大紅員領騎着高

頭白馬他在前邊周尚書在後邊好不軒昂老

鳥你正不會見連人物比前也都標致了淨我

一向說謝老爺好个人物必定戴紗帽的不可

怠慢他丑你不聽我丑如今惹出事來怎麼好丑你

方纔罵他又要幫我打他何曾說他好人物如

今恐他來討賠牙齒特來與你商議淨我有什

麼商議

前腔我是有名的縮頭老鶩你沒來由惹場灾禍

元媽媽不是我怕事官府可是好惹的請伊且向

他方躲休得來招風攬火做走出丑扯住介那裏

去淨我要去行中覓夥怎只把衣衫亂拖丑譚打

淨介

前腔老烏你平日間嘴喳喳說開說合今日裏似
燒葱一堆軟躰你就不看我老身體面全不想孫
兒玉貌如花朶拚得个珠沉玉破湏念我娘兒折
磨拜介拜你个親親好哥淨笑介這一聲叫得我
快活起來和你商道元媽媽這節事終湏有日
發作你這秣陵斷然住不得了就不說起打牙
的緣故萬一你的女兒被他喚進你那裏去討
我貨俱發盡正要算清帳回去再裝些景德貨
來賣你莫若同我到江西去好歹住幾時一來

避了老謝二來你女兒到彼不怕他不從我我
多與你些茶禮快活了下半世如何丑拍手笑
介老烏事不宜遲則這幾日起身便好淨只愁
你女兒不肯去丑這那得由他我鞭杖行中自
有規矩自有法度你却不要管我淨

麻婆子

丑既如此你快把快把行裝裹衣飾與被窩

丑

你火速火速覓輕舸三板與蘘梭

淨只愁那粧

麼做勢小妖魔推三阻四恁般那

丑

他若半句兒

相推阻我先把棍來搓

淨

雖然如此女兒前還不

要說起明日我僱船在江東門相等來日便是
端午只哄他看龍舟桃葉渡叫个小船連家伙
盡數裝載了到江東門來上大船丑曉得

煙花隊裏竊兵符 風月場中列陣圖

此去好憑風月利 平平穩穩過鄱湖

第十二齣 生外引卒上

駐馬聽爽氣澄清馬首前瞻北斗城只見燕臺高
聳虎觀嶙峋麟閣峻嶒外湏知明主待持衡可憐
赤子方入井策建良平西山寇盜佇看寧靜卒稟

爺已到朝門外了生憶秦娥瞻廊廟初志不終

堪自笑堪自笑猿鶴相嘲溪山見誚外十年握

筆稱文豹一朝仗劔爲雲鶚爲雲鶚近邁蕭曹
遠方周召幼輿兄聖上尚未陞殿且在朝房伺
候片時 雜扮差官上

前腔相府批呈宣示尚書取次行爲有清朝高隱
紫詔來迎却是白面書生恐其不諳韜畧不諳兵
龍江關都尉教權領待後功成不妨銓敘另行酌
定小官是相府差到尚書省去此間是朝房不免

選入 見介揖外生還禮外 何處差來的 雜 小官

奉丞相爺命有聖旨聘到書生一名謝鯤恐其

未諳軍務特授散騎都尉把守龍江關已奏過

聖上免其朝見限卽日到任毋違時刻 外 原來

如此差官過來朝廷特聘謝爺出來爲何授了

散職莫非丞相爺有甚麼見怪麼 雜 非關丞相

爺事早間大將軍府打過文書來說一應陞銓

俱要稟命而行謝爺職銜是大將軍定過來的

外 知道了請回罷 雜 政事懸敵國高賢處下僚

下外 幼輿朝事如此可笑可笑此必非聖上之

意下官還要執奏 生 伯仁差矣東西南北惟君

所使都尉雖卑獨非臣乎但奸臣遙執朝權舉

國盡如妾婦恐將來誅賞惟其喜怒當國者勢

必難免竊爲伯仁兄危之也 外 領教 雜 扮將官

上

前腔 帥府威靈宣示當朝文武卿爲欲東還姑熟

設宴江臯聊敘離情龍旂屯處鬼神驚驪駒唱徹

笙歌盛傳語叮嚀定須速赴莫違台命小將是大

將軍差官奉大將軍命遍請朝臣此間是朝房
不免逕入 相見拱手外生亦拱手介外何處差

來的 雜小官奉大將軍令後日設宴新亭遍請

衆位老爺相敘 外生此酒爲何而設 雜大將軍

偶患微疴欲還姑熟故請各衙門老爹們敘別

外生曉得了請回 雜人心原有鴆盃酒豈生蛇

下外我輩可出朝矣幼輿且到寒家講句話兒

生正欲造謝 外退朝花影亂 生歸院鳥聲頻 外

幼輿此間已是舍下就請進去 進揖介外幼輿

小弟薦兄欲使朝廷以大政相畀兄亦得大展

其經綸不意政府模稜奸雄恣肆賞罰大柄悉

歸其手使兄沉抑散局惶愧惶愧 生兄以此舉

茂弘丞相知之否 外王敦之反茂弘每每切齒

痛哭彼亦無可奈何難道是商確而行的 生兄

負江東人望原來全無人倫之鑒茂弘向與王

敦同謀待罪朝堂之日啣兄不與伸救必欲甘

心于兄今新亭之宴未必不爲兄與若息也自

宜謹慎之 外幼輿何乃爲此不然之慮周顛雖

不肖是朝廷重臣他何敢妄有所加卽伸救一
節周顛何負于茂弘他難道不知幼輿不必深
慮生大笑撫掌介伯仁兄這等說來新亭之宴
王敦果欲東歸果欲敘別乎伯仁你道王敦何
所聞而來何所見而去

紅衫兒

他來周郊問鼎六師方銳整况內有親兄

既欲圖僥倖豈容輕謝病沒來由置酒江垆集朝
廷俊英我則怕弓影成蛇便胡行亂逞

外笑介

前腔

幼輿兄我識鑒如握鏡况與王茂弘呵數十

年同朝請我見他每每忠誠早難道首鼠模稜助
邪萌便做道賣友欺朋還須念天王聖明我今就
去赴宴呵縱然是莽操奸佞亦何端起競

生

醉太平

伯仁兄念我謝鯤呵酩酊半生蹭蹬感君

家物色分外垂青我甘爲骨鯁脩籠中藥餌進爾
希齡須聽休將七尺狗長鯨不測事還須寤警况
將傾大厦豈伊獨力可任支撐

外

前腔堪敬君言耿耿豈惡聞逆耳漫不患省但身
爲執政自難容長蛇封豕縱橫生平捐軀報國素

會盟但只願邦家平靜掩淚介孤忠自勵唯圖青

史千載垂聲生小第告別了外後日新亭相會便

了

入廁孤忠未得酬 深慙袖底佩雙鉤

從來戈戟生盃酒 鉤曲須知可拜侯

第十三齣 旦上

卜算子 簷牙葵色新 簾額苔痕嫩 深閨盡日兩眉

頻留待張京尹 生冠帶二卒引上

前腔 肝食聖情殷 裹草臣心奮 上方無計斬奸臣

空抱孤嫠憤 卒稟爺已到本府門首了 生左右衙

門伺候 卒應下生入見介旦呀相公回來了相

公你歡喜應聘而出為何帶悶而歸 生鷓鴣天

夫人你不見日月無光天地昏宮墻生草兔狐

羣六飛久已沉胡虜九鼎相將睨楚人 旦相公

隱居志達身行從來委質便稱臣丈夫自有旋

乾手何事眉頭感皺紋 生夫人卑人綠蠹一生

青瓊半世志存丘壑夢斷巖廊感得故人推轂

聖主虛席一時守志不堅草草應命誰知王敦

擁兵江上遙執朝權凡公家事體無大無小悉
用關白而行至于進退人才尤爲掣肘王敦向
日曾聘卑人卑人不出啣此私忿昨日打文書
到中書省止授卑人散騎都尉把守龍江關口
局旣閑冷施展甚難雖有借劔之心苦無請纓
之路以此悶悶而歸旦相公妾聞不在其位不
謀其政旣然官居下僚何必越職行事姑且陸
沉金馬優游歲月待時而行未爲不可生夫人
言之有理還有一事王敦無端設宴新亭遍請

朝士竊恐此酒必非無爲苦勸周伯仁隄防他
全不相信怎麼好旦相公莫管他人尔赴也不
赴生如何不赴只是隨機應變他定然不能害
我旦相公也要小心這等世界全身爲上就去
也要見機而作生嘆介

解三醒痛朝廷冠裳倒紊妖氛遶濁亂清旻望夷
宮鹿馬誰人問慚無計叩天閭千年化碧英傑恨
萬里流丹壯士勲謾把青萍捫山河易改豺虎難
馴旦相公有一事問你那日自外回來身上有許

多血跡口內又失了兩個門牙却是爲何生笑
介待卑人細細說來只是夫人不要着惱且爲
甚着惱生

長拍那一日呵春事爛珊春事爛珊芳郊遊行銀餅

酒已帶微醺忽驚好女且在那個所在生却原來

正在東隣兩意甫殷勤可恨他母親呵走將來惡

狠狠有許多尋趣且他是什麼人家呢生他寄籍

平康多美譽且姓甚名誰生得如何生元氏縹風

態軼塵且既是娼家爲何厮鬧起來生他笑我衣

衫貧窘向機間取金梭相擲打落牙門且你果然

愛此女麼生

短拍也不過是見景生情見景生情逢場作戲酒

杯間作態胡云夫人那女子到也可喜親許結朱

陳似飛鳥依人堪憫且相公意下如何生怎做得

蕭郎陌路只恐怕時事兩紛紜且原來如此相公

膝下尙虛且徐圖之但是缺了牙齒覺欠雅觀

生掩口笑介

尾聲夫人齒性剛原易殞嘯歌不廢我云云誕傲

方成我輩人

齒折寧能廢嘯歌

酒鎗聊且共婆娑

休論家國興亡事

話不投機半句多

第十四齣

占上

謁金門 庭陰顫翠展芭蕉舉扇聞着梁間雙語燕
畫欄空倚遍

換頭 暗裡韶華若電盼望玉郎天遠佳節端陽蒲
艾荐此情誰與展綠樹陰濃夏日長一簾細雨洗
梅黃落花何處堪惆悵又見蒲樽泛玉香奴家

縹風自從謝郎別後這幾日再不見面想爲折
齒緣故啣恨不來昨日母親說他已做官不知
是作耍奴家又不知果有這話心上甚是放不
下呀母親來矣 小丑上 心情無定在笑語便相

親番訝梁間燕偏依舊主人昨日與老烏計議
今日起身爲此喚下小船了且把謊話兒對縹
風一說 相見介小丑 孩兒起身了我對你說今

日乃端陽佳節聞江頭龍舟甚盛我已喚了大
船在江東門了與你同去看看便回 貼 龍舟有

甚好看孩兒身子不好不耐煩去小丑今年的

龍舟不比往年城裡城外那一家不去看哩占

船裡還有什麼人小丑背介乖丫頭恐我又同

那老烏去來問我搖手介並無一人老娘曉得

你性兒的怎麼同閒人只你我母女兩個本待

自去只是一人沒興兒不要拗我同去走遭占

背云你看我母親好不多心他怕留我在家謝

郎又來故此要我同去對小丑云既沒有人便

隨母親去小丑這纔是桃葉渡喚個小船渡去

罷隨身衣服鋪陳都帶了去家裡沒人看管走

介擺渡的擺過來雜扮稍水唱歌上桃葉渡頭

桃花紅桃花紅時桃源洞可惜一夜無情個催

花雨只見一片西飛一片東元媽媽那里去小

丑江東門去稍上船來上船來占小丑上船介

鎖南枝桃葉渡桃已捐滔滔東去不記年直恁流

水無情空孤負落花戀謝郎謝郎這活地獄我意

堅只怕死功夫你心倦稍媽媽江東門了占母親

不見有什麼龍舟就回去罷小丑早哩停回兒

少不得來背云何故老烏還不來稍水哥你把

船纜好了我到崖上去看看稍應小丑立看淨

上稍水同上唱吳歌江東門江東門江東江水

忒多情自從大姑小姑跟則個彭郎去至今流

淚弗曾停淨

前腔為有桑間約花下綠艸艸兩眸望欲穿為甚

日已將晡還不見佳音轉呀你看前灘上繫小船

小丑手招淨介烏爺這裡來淨來了來了恰相逢

喜相見元媽媽那里去小丑老身領着女兒特來

看龍舟耍子淨有興有興要看龍舟請過我大

船上去占母親不要許他羞人荅荅的怎麼好

到別人船上去小丑孩兒又來了烏爺什麼別

人占母親認得他孩兒不認得他小丑兒我老

實對你說千不是萬不是是老娘前日不合打

落了謝老爹的牙齒如今他做了官管得我們

着的倘或題起前情老娘性命可不是也多的

為此與烏爺商議權到他江西去住幾時他已

脩下大船盤纏我母子去難得這般好情分過

船去罷占呀母親這話那里說起為何要到江

西去小丑兒烏爺是你娘的好友就如在家里

一般淨我江西人最撒漫到得我那里穿的吃

的使用的一一包足不勞大姐費心占母親要

去自去孩兒不去寧可今日就死哭介

孝南枝咳縹風縹風你身如梗命若懸嗟我遭際

直恁顛自幼失堂萱椿庭又先剪小丑兒你父母

死後做娘的並不曾難為你占虧殺恩慈可憐養

育成人小丑怎生教道你占相規相勉小丑既如

此也該聽做娘的三分話兒占跪介非奴敢抗娘

親兒自有心頭願小丑你心上要怎麼起來說占

我欲待言不忍宣待不言時恨怎免小丑怒挽淨

手介

前腔烏爺你看這賊歪賴會撒奸嘴喳喳一似鵲

噪喧擊拳介我有鐵打棒兒拳今日呵領取去閒

消遣淨扯開小丑介待我來勸大姐聞得你多才

又賢何事今朝不聽娘勸我有萬種恩情常把你

做涎兒嚙大姐你把心上人莫掛牽只這眼前人

且方便

占不理背云

縹風縹風千死萬死總是一

死不如就這清江裡死得乾淨

作跳介小丑淨

不好了不好了稍水哥救人救人

稍救介淨丑

稍水哥一竟扶過大船來

稍救過船介

打發小

船去罷

淨

與你青蚨二十

稍

一個白虎番身一

個金蟬脫殼雖然近得青蚨二十也落得大姐

奶兒一摸

下淨

元媽媽如今怎麼處

小丑

只顧

開船便了小賤人還不依我好好隨我前去今
後若違拗我我手中的粗棍兒煞也是無情的

占哭介

前腔撲通的瓶沉井支楞的琴絕絃撒琅的鏡兒

墜落輓生察察把鸞鳳錦窩掀痛煞煞將鴛鴦彈

兒蹶

小丑

還要多說過來跪着先打一百殺威棒

去

打介淨附耳介

不要造次此間官府最多激出

事來不好要打還待出關去

占拜介

娘親怨愆願

聽孩兒一言自辯

小丑

你要怎麼

占

兒願一馬一

鞍不入仙音院

淨

好了好了小生是没老婆的正

是一馬一鞍

占拜淨介

就求烏爺勸勸母親

淨扶

介折死烏斯道那里消受得起占我含着淚告上

天帶着羞對那人面小丑

前腔我央了你千千萬萬你偏拗我萬萬千何曾有

孫兒不覓錢你倒想夫婦並頭蓮直待你吃過蟠

桃宴占我那娘小丑伊休淚漣從來的虔婆誰

個是羊兒般善占娘饒恕恁孩兒罷小丑若要我

意轉心回除是快把降旗展小賤人我曉得你與

謝窮一定有誓願了我這風月寨那里討節義傳

前門送張郎後門把李郎騙占孩兒果然與謝郎

有約誓不從人小丑屈屈屈謝窮有何好處苦

死愛他占

前腔他是玉堂俊閨苑僊淨大姐小子如何占浪

包婁難堪入烟月篇淨小子容貌略差些家裡勝

他幾萬萬占你就是玉碾出鳳凰軒金壘就鴛鴦

殿也無緣可聯空做了流水恩情搏沙姻眷淨請

問大姐老謝也有些家事麼占他有的是斷簡殘

編花柳中窮原憲小丑賤人便依你隨了他難道

呷風度日占母親你心放寬我情索專便做了餓

打木言
婢娟亦何怨告母親要聽孩兒三件事就隨母親

前去小丑說來說來那三件事占第一件從今

日為始老身另自顧船再不許到我船上淨是

小子再不敢求見占第二件到得彼處不許逼

勒奴家接客小丑淨使得占第三件若有再見

謝郎之日早晚便要相從小丑淨也使得都依

你都依你稍子哥快趨過關去淨

前腔把雲帆掛風纜騫一似鷗夷載得西子還內

掌號小丑淨稍子哥何處鼓聲喧稍王敦謀反那

關上好不緊急哩小丑淨元來是江關有爭戰稍

子哥須與我今晚趕過關去纔好勿得留連明日

開船好乘風便內又掌號喝開關介淨媽媽關已

開了歇在此罷小丑歇了罷占母親老身為何不

過船去淨揖介我就到別船去也好胡亂眠只是

大姐心腸忒硬些這等苦低情虧你心不軟

占月上孤舟夜半情離人怕聽落潮聲

小洞房燭影今何處淨欲寄相思夢不成

占下淨縹風竟到艙中去把門兒反鎖了小丑

投機記
今晚且不要拗他你還到別船去睡前途去自有法兒淨說得是只是今晚放你不過了下

第十五齣

副淨上

江東臣子似湯雞活剝生擒任我爲堪笑書生不解事此生斷送老頭皮錢鳳與王公渡江而來指望先議九錫徐圖受禪誰知周顛戴淵都是痴呆老兒一些也不惹頭前日去報這信兒與老戴反有許多怠慢我被我在主公面前搬鬪了幾句主公着惱得緊以此暗與王丞相定

下此計只說王公有病要回設宴賺他來就酒席上尋個事端一刀殺却絕了後患有何不可好笑還有一人叫做謝鯤整日吃得爛醉口出大言且有虛名今日也賞他一刀叫巡邏官雜

扮巡邏官上

朝中天子宣闔外將軍令巡邏官

磕爺頭

副淨

巡邏官今日新亭設宴請百官你

可帶領鉄甲軍士五百衆官未到之先預先埋伏在後堂人人要藏短劍一口不許喧嘩囉吶飲宴中間不奉呼喚不許離次一聞呼喚不可

遲延違者軍法雜得令副淨

四邊靜聽我號令偃旗息鼓如安寢啣枚持口噤

兔脫莫留停狙擊要詳審合軍機凜凜軍容礧礧

奉令疾如雷莫教有直恁雜

前腔從來杯酒生毒鳩敢將金革衽首將旗旆懸

血向刀頭飲合前巡邏官下副淨巡邏官去了下

官親領五百勇敢軍士外廂巡邏去咱

好去十面埋伏須教一網打盡

第十六齣卒引生上

長江萬里限江東不數秦關百二重訊察若還

勤着意何勞鎖鎖一丸封下官奉命把守龍江

閑職雖卑微任却重大况王敦擁兵江口來往

尤當盤詰如今正是放閑時候叫左右傳令開

關一應往來船隻須要仔細搜檢有船引的登

記花名冊子即時放過如無船引拏來親問傳

令開關襍應掌號乙通鳴鈸三下場開關介淨

小丑稍上稍子哥開關了快討開去稍子撐船

卒攬問介這是什麼船淨客人賣了貨回鄉去

的空船卒有船引沒有淨有有在此卒取船引

來你叫什麼名字做寫介淨商人一名烏斯道

妻一口李氏女兒一口卒什麼名字淨縹風卒

那里去的淨江西豫章郡去的卒快撐快撐淨

小丑占稍子同下衆喝開闕介稟爺船放盡了

繳花名冊子生取看介前邊都是差使馬快官

船後邊却是民船又看介這一名是商人烏斯

道妻一口李氏女一口縹風前往江西豫章郡

駭介呀這縹風一定是我東隣的元縹風了向

來聞得有個烏客人與他母親往來多應是那

虔婆賺去了可憐這女子到有志向此去那有

出頭日子左右的快拏烏斯道轉來卒叫不應

介稟爺過閑的船趁着順風張帆去遠了喚不

轉了生

北仙呂賞花時他那里一篙烟雨一檣蓬俺這里

萬種躊躇萬啣噀心逐亂雲橫今宵寃夢與在一

杯中么冷落了青風銅爵宮間阻了流水桃源洞

此日意無窮心中作頌無語怨東風可惜今日要

去赴宴不暇去訪問明白左右的打執事到新

亭去 下丑上 某當朝丞相王導大將軍兄弟設

宴新亭特來赴席你道此酒却是爲何大將軍

不喜歡周戴二老欲與決一死戰我勸他只做

好意請酒就席擒之使其疾雷不及掩耳二老

略不知這機殼昨去相約懽然肯赴此時想將

次來到矣 外小生上 某尚書周顛某尚書戴淵

王大將軍相招特來赴宴呀老丞相先已在此

了 各拱手道請了內傳 大將軍有旨赴宴官不

許攬前落後直待到齊排班進見 外小生 呀茂

弘處仲如何妄尊至此我們來差矣去罷 丑 旣

來之則安之呀謝都尉也來了 生上 說話之間

早已來到新亭也 相見丑外生拱手介生 老丞

相二位老尚書謝鯤見 畧跪介丑外小生卽扶

介生 請問老丞相令弟大將軍此酒爲何而設

莫不有甚陰謀麼老丞相一定知道 丑 舍弟患

病思歸姑熟故設此宴與衆老先生叙別並無

他意王導在此何必多疑 外小生 老丞相在此

一定不差 生笑介

新水令

老丞相那里是大將軍幕府玳筵開分明

是宴鴻門當日的機械現放着闖轅門的樊噲老

丞相那里討舞雙劍的項伯凶和吉轉難揣鴉與

鵲兩同借怕沒有天來大一場兒驚駭

內掌鑿丑

大將軍升帳矣

淨襟上

孤王敦是也錢參軍與

丞相哥哥勸我于酒席上誅斬周戴兩人叫旗

牌官百官既齊大開轅門請丞相大爺先入其

餘挨次魚貫而入

衆傳介丑進見淨

丞相哥哥

拜揖

丑

大將軍兄弟拜揖

外小生進介

大將軍

拜揖

淨

二位尚書拜揖

生見跪介

大將軍謝鯤

見 淨扶介

此位就是幼輿久慕久慕孤前日授

卿都尉之職兩日不蒙卿顧莫非嫌官小麼

生

笑介

謝鯤無志仕宦豈嫌官小但新入仕途親

朋來賀日日爛醉正忘之耳

淨笑介

好曠達也

沉醉東風

生

生長在南岳則這北岱醉落在柳陌

也那花街詩酒債整日忙鴛鴦社逐朝賽這便是

老我生涯

淨

聞得幼輿身在丘壑志存廊廟孤方

欲嚮用你哩生俺這巧拙賢愚任爾猜朝家事半
星兒何曾得解淨不曉得朝家事体曉得甚的生

大將軍謝鯤止曉得吃酒自來家貧不得美醞
亦不得取醉今日幸蒙見招望早賜些多賜些

淨看酒來酒要吃正事也要講列位滿飲孤家
此杯舉杯介衆飲介生大叫大將軍謝鯤狂士

不知禮法願多賜些好酒聽其自行斟酌淨巡
宴官看一大罈好酒來送謝都尉面前襍送酒

生取飲自篩大喊介好美酒也好美酒也伯仁

若思同乾此杯外小生舉乾介生

喬牌兒瀉瓊漿琥珀過玉薤光澤淨幼輿在孤面

前何無禮也丑幼輿大將軍在上放尊重些生怎

好把將軍禮數椿椿責可不道遇酒且忘懷淨幼

輿近聞得人言云任達不已幼輿折齒我見你
果然少了兩個齒這緣故可使孤聞之麼生笑

介正要說來奉大將軍一笑容謝鯤飲乾此甌
起來手之舞之說去飲介起逐句演唱

七弟兄想那日醉駮向平康亂歪見一個女裙釵

那冤家帶笑心相愛俏聲兒許結鳳鸞塔
鬼飛在九霄外可恨那虔婆呵么氣吁吁
走來亂紛紛鬧咳那風婆子似狼豺
恰便是煞神兒降下閻浮界把門牙
打落在塵埃大將軍這情理如何奈淨
你折了齒甚不好看生

收江南呀這的是風花隊里起飛災
抵多少雲陽市上哭聲哀况從來
落拓脫形骸酸秀才又何必邊幅
好丰裁大將軍謝鯤醉也借席上
三尺地與謝鯤睡覓兒
作睡介淨執杯拱手介衆卿在此

聽孤一言孤之此來意欲掃除君側再造王家

然後解却朝衫角巾歸第與卿等爲鄉社之飲

生作打躬介淨

豈意天違人願衆附親依如今

欲退不能卽真未可全仗二三卿相等共成之

今日卮酒爲誓丞相爲明府從孤者滿飲此杯

日後相忘使卿等缺望有如此酒負孤者亦同

之丑取淨酒對天跪飲復斟酒對外小生二位

老先生請飲此酒作成作成

外小生怒介茂弘

你身爲晉室元老原來却是國賊國家那些兒

虧負你兄弟顧欲反耶我二人頭頸可斷此酒
斷然不飲 淨怒介 老特牛這等可惡 背問丑介

丞相哥還是如何 丑附耳云 不殺二人大事不

成 淨 旗牌官何在 襍有淨 快把周顛戴淵押什

市曹分付錢叅軍監臨梟首立獻首級 襍 得令

外小生 皇天后土王導王敦兄弟謀反今日將

我二人誅殺 拜內介 生不能報陛下死當作厲

鬼以殺賊罷罷罷人生自古誰無死留取丹心

照翰青 襍 押下 丑指生介 此人何不一發殺却

淨 孤另有處 丑叫生介 切與好醒也 生醒介 好

一覺睡也

折桂令 黑模糊歷遍春臺 丑 大將軍前這等無禮

生 我不衫不履不受塵埃 丑 還不起來謝罪麼 生

本是個支離病叟風魔傲侶落鳧微才大將軍飲

狂藥難將人責筵席上怎起風霾大將軍寬洪大

度不責微愆丞相你便滿口胡柴雙眼全白 淨 如

今你還吃得酒麼 生 還吃得 淨 巡宴官再與謝都

尉酒 襍 應介 生 賜好是五斗開醒饒你便一石也

堪篩請問大將軍伯仁若思那里去了淨他就來

也你吃酒罷了管甚閒事生笑介說得有理吃

酒罷了管甚閒事飲叫乾介卒持二首級同副

淨上善有善緣惡有惡報未識人倫焉知天道

進晚介主公錢鳳奉旨監斬周顛戴淵特獻首

級淨參軍取去放在謝都尉面前幼輿崛強者

看樣你可陪他吃一杯生是將酒來我與兩位

尚書吃個上馬杯兒

沽美酒伯仁兄請酒我笑你官八座列三台若思

兄請酒你擁材官護九垓氣槩昂昂稱晉宰全沒

有周身之策老顏子藁懸街

太平令空撇下美香醪甘如沆瀣好杯盤過於藿

菜對着你眼張狂不瞅不睬問着你嘴都盧不尷

不尫淨幼輿周戴故意抗孤你道該殺不該殺生

他既已死哉合理何須問合該不該淨錢參軍把

二賊屍首號令市曹不許收葬如有看視者即便

擒來梟首副淨得令持頭下生呀直恁的大驚小

惟大將軍鯤已醉飽也有酒明日再吃仰天大笑

出門去我輩豈是蓬蒿人 下丑 謝鯤這厮好無

禮不謝酒竟自去了 淨 由他去罷孤自來不會

見這樣人 丑 大將軍不殺此人却是爲何 淨 孤

看此人荒淫于酒然却有時名他齒牙且不能

顧何足畏懼今方誅二大臣若并反之天下以

孤不能容人曹孟德不殺禰正平正是此意况

周戴之誅如殺二鼠何慮謝鯤乎 丑 揖介 大將

軍神筭非愚兄所及敬服敬服雖然朝廷之上

斷容不得豫章僻遠又是大將軍管轄地方愚

意欲打發他出去還請大將軍尊旨定奪 淨 是

如此孤連日身体甚竟不安暫回姑熟調理朝

廷之上全仗丞相哥哥主持 丑 不須掛念正當

正當周戴已誅料無異議矣

淨 顛危欲把一身扶 堪笑狂夫計太踈

丑 似我已成生富貴 笑他先下死功夫

投
檢



